

新校注古本西廂記

新校注古本西廂記卷三

山陰徐渭附解



元大都王實甫編

明吳江詞隱生評

明會稽方諸生校注

明古虞謝伯美

山陰朱朝鼎同校

第三折

楔子引曲一章

紅用廉纖韻

第一套仙呂宮曲一十四章

紅用支思韻

第二套中呂宮曲一十九章

紅用寒山韻

第三套雙調曲一十三章

紅用家麻韻

第四套越調曲一十三章

紅 川 侵尋韻

一套

今本第九折

傳書

旦上云自昨宵聽琴再不復見張生我如今央紅娘去書院裏看他說甚麼叫紅科紅上云姐姐喚我不知有甚麼事須索走一遭旦云俺這般身子不快呵你怎麼不來看我紅云你想張旦云張甚麼紅云我張着姐姐哩旦云我心裏有一件事央及你咱紅云甚麼事旦云你與我望張生一遭看他說甚麼便來回我話者紅云我不去夫人知道不是要旦云好姐姐我深深拜你兩拜你便與我走一遭紅云侍長請起我去則便了說道張生病重俺姐姐也不弱只因午夜彈琴手引起春閨愛月

唱

仙呂賞花時鍼線無心不待拈
顰粉消香懶欲添
春

恨壓眉尖
若得靈犀一點
姐姐敢醫可這病恹恹

〔下〕旦云紅娘去了、看他回來說甚麼話、我有主意
〔下〕生上云害殺小生也、自那一夜聽琴之後、再不能勾見俺那小姐、我央長老說將去、道張生病重、却怎生不着人來看我、恰思量上心來、我雖些兒
咱〔紅上云〕奉小姐言語、着我去看張生、須索走一遭、咱每若非張生呵、怎得俺一家兒性命也呵、〔唱〕
仙呂點絳脣相國行祠、寄居蕭寺、因喪事、幼女孤兒、
將欲從軍死、

混江龍謝張生伸志、一封書到便興師、顯得文章有用、足見天地無私、若不剪艸除根了半萬賊、怎不滅門絕戶了俺一家兒、鶯鶯君瑞許配雄雌、夫人失信、推托別詞、婚姻打滅、兄妹爲之、如今廢却成親事、一箇糊突了胸中錦繡、一箇淚流濕臉上胭脂、

油葫蘆憔悴潘郎髻有絲杜韋娘不似舊時帶圍寬
減了瘦腰肢一箇睡昏昏無意看經史一箇意懸懸
不待拈針黹一箇絲桐上調弄出離恨譜一箇花牋
上刪抹成斷腸詩一箇筆下寫幽情一箇絃上傳心
事兩下里一樣害相思

天下樂才子佳人信有之紅娘看時倒有些乖性兒
則怕有情人不遂心也似此他害的有抹媚我遭著
沒三思一納頭安排着箇憔悴死三去聲

紅云却早來到這花園裏也我把唾津兒潤發紙窗看他在書房裏做甚麼也唱

村裏迂鼓將紙牕兒潤破悄聲兒窺視多管和衣兒

連起你看那羅衫上前襟褶裡孤眠況味淒涼活計

無人伏侍澁滯氣色微弱聲息黃瘦臉兒不病死多

應害死

裡音至

元和令金釵敲門扇兒

生問是誰紅唱

我是散相思的五瘟

使俺小姐越着這風清月朗夜深時使紅娘來探爾
他至今胭脂未曾施念到一千番張殿試

生云小姐既有見憐之心小生有一簡怎生煩小娘子達知他紅唱

上馬嬌若是見了這詩看了這詞顛倒費神思道這

妮子怎敢胡行事噯扯做紙條兒

噯音參差之差一字句

生云小生久後以金帛拜酬小娘子紅唱

勝葫蘆這箇挽弓酸俵沒意思賣弄你有家私莫不

我圖謀你東西來到此先生的錢物做紅娘的賞賜

俺受了你金貲

俵郎
爹反

么看人似桃李春風牆外枝賣笑倚門兒我雖是箇

婆娘有氣志你則合道可憐見小子一身獨自顛倒

有箇尋思

生云候着姐姐可憐見小子隻身獨自紅云兀的

不是也你寫與我我與你將去生寫科紅云寫的

好也呵你讀與我聽咱生讀科琪再拜奉書芳卿

可人粧次自別顏鮑鴻稀麟絕悲愴不勝孰料夫

人以恩成怨遂易前姻豈得不爲失信乎使小生

目視東牆恨不得奮翅于粧臺左右患成思竭垂

命有日因紅娘至聊奉數字以表寸心萬一有見

憐之意書以拋下庶幾尚可保養不然命在須臾

遣次奉書伏乞不謹爲恕後成五言律詩一首就書錄呈詩曰相思恨轉添謾把瑤琴弄樂事又逢春芳心爾亦動此情不可違虛譽何須奉莫負月華明且憐花影重紅唱

後庭花

我則道拂花牋打草兒誰想舉霜毫不構思

先寫成幾句寒溫序後題着五言八句詩不移時把花牋錦字疊做箇同心方勝兒你也忒聰明忒三思忒風流忒浪子雖是些假意見小可的難辦此

青哥兒顛倒寫鴛鴦兩字方信道在心爲志喜怒其間覷那意見兒放心波學士我願爲之並不推辭道甚言詞昨夜彈琴的那人兒來傳示

紅云這簡帖兒我與你將去先生當以功名爲念休墮了志氣者唱

寄生艸你偷香手準備折桂枝休教淫詞兒污了龍
蛇字藕絲兒縛定鴟鵂翅黃鶯兒奪了鴻鵠志休爲
翠幃錦帳一佳人誤了玉堂金馬三學士

(生云)姐姐在意者
(紅云)放心放心唱

煞尾沈約病多般宋玉愁無二清減做箇相思樣子
咱人這眉眼傳情未了時中心日夜藏之怎敢因而
有美玉於斯我須教有發落歸着一張兒紙賣着舌
尖兒上說詞和你這簡帖兒裏才思管教那人兒來
探你一遭兒

(下)(主云)小娘子將東帖兒去了不是小生說口則
是一道兒會親的符籙他說明日回話必有箇次

第且放下心須索好音來也念且將
宋玉風流策寄語蒲東窈窕娘下

注一十三條

賞花時

俊詞也游宦紀聞通天犀有白星微端古詩心有靈
犀一點通古本胭脂較今本作脂粉似俊消香今本
作香消與上無心不對今正徐云此極褻之詞却用
得免俗

點絳脣

行祠猶言行宮行臺之謂相國之寄居祠中以值喪
事也幼女孤兒之欲死以又值兵亂也

混江龍

詞隱生云、仲志言張生伸已之意志而拯救其危也、文章有用、指興師之書、天地無私、言不容賊徒之肆惡而亟殄滅之也、卽下剪艸除根之意、糊突卽糊塗、北人塗突、元同音、然糊突了、與下淚流濕作對不整、疑有誤、

油葫蘆

憔悴潘郎髣有絲、與杜韋娘不似舊時帶圍寬減了、瘦腰肢句、參差相對、杜韋娘對潘郎、不似舊時對憔悴、帶圍係七字句、襯一字、對髣有絲寬減二字相連、

讀勿斷調法如此。下六句自相對偶。俗本於杜韋娘句下添一箇二字。謬甚。筆下寫幽情。頂花牋句。絃上傳心事。頂絲桐句。末句總承上文。筆下寫幽情二句。法當用七字句。以對偶稍變。

天下樂

承上曲來。言張生鶯鶯二人。如此情致。如此聰明。所謂才子佳人。世間信有。便害相思。亦與他人不同。看來我紅娘倒也是箇乖巧伶俐的人。或者遇着有情之人。不得遂心。也要如此害相思。但他每害得有些三喬樣。我若遭着時。不暇如此。三思。但一直頭安排箇

樵悴死而已。抹媚猶言粧喬卽下之。三思上之絲桐傳恨花牋寄詩等事也。他害的有抹媚與我遭着沒三思二語正相對。今本有字下添一些字遂爾不整。意亦後人誤增。今第削去便自瞭然媚字原不用韻。古注謂紅娘說自己性乖故不像二人之憔悴至死。徐謂紅娘不能爲上文三思之事反言已之呆倒是乖而皆以有情人不遂心句泛指天下人俱覺纏擾不妥耳。今并存之。

村裏趂鼓

董詞把紙窗兒微潤破見君瑞披衣坐又鄭德輝翰

林風月劇門掩蒼苔書院悄潤破紙窗偷照古本作
濕破并前白亦然潤字佳當是傳寫之誤今從潤睡
起況味活計聲息俱元不用韻各三句鼎足對法也

元和令

董詞手取金釵把門打散相思以相思散與人也俗
本謂五瘟使是氣氣使之誤渠自不識調五瘟之五
字當用仄聲用不得平聲也探爾之爾俗本作你便
非韻蓋元省作尔又尔你字形相近之誤耳董詞起
來梳裹脂粉未曾施張殿試猶言張狀元也

上馬嬌

這妮子下替鶯鶯口氣說、妮子勿斷、七字成文、嗤、笑聲、笑其扯做紙條也、倩女離魂劇、被我都嗤嗤扯做紙條兒、正用此語、嗤字另唱、與首折偏、宜貼翠花鈿、偏字另唱、一例、

勝葫蘆

此因張生金帛相酬之言而發怒也、二曲一氣連看、下、勿斷、張章二姓、俗有挽弓立早之別、挽弓、拆白、張字也、酸、俸、調、侃、秀才也、言你箇張秀才好沒意思、你說多以金帛酬我、欲賣弄自家有家私耶、我之此來爲圖謀你的東西而來耶、若你把錢物作賞賜而我

受了你、是看我做牆花路柳、賣笑倚門而爲娼妓等
人也、我雖婢子、却有志氣而不重錢物、你只下箇小
心求我、我倒有箇尋思、而替你寄去不辭耳、可憐見
小子作句、一身獨自作句、徐云、二山妙在一氣急急
數去、正與快口婢子動氣時傳神、俗本添許多覓字、
口氣便緩而懈矣、此可與智者道耳、賣笑、今本作賣
俏、史記、刺繡紋、不如倚市門、

後庭花

董詞也不打艸、不勾思、先序幾句俺傳示、一揮揮就
一篇詩、從古本作構、然元詞俱止作勾、風流浪子

皆稱人美詞鮮于伯機詞元來則是賣弄他風流浪
子倩女離魂劇白那王秀才生的一表人物聰明浪
子顧君澤詞風流浪子怎教貧可憐末小可的難辦
此辦猶言優爲也言上文作東題詩雖是弄聰明而
爲此假意然使小可之人亦不能優爲之也辦諸本
作到筠本作辦字解俱非辦辦古字元通用朱本只
作辦

青哥兒

董詞須臾和淚一齊封了上面顛倒寫一對鴛鴦案
在心爲志小可在意之謂有俗解謂娼家封書於交

縫處作一志字、拆開則成心干二字、殊非大雅、紅娘言我此行、看他意思、喜怒、然後投東、你自放心、我旣膺承了你、決不又推辭而誤你也、我見小姐、何以措辭、則說昨夜彈琴之人、教我傳示於你、而待他自尋思之也、喜怒其間勿斷、七字句、那字係襯字、徐云道甚言辭二語、以白作曲、淡而濃、簡而俊、俱屬妙境、

寄生艸

此調句句皆對、筠本淫詞兒污了龍蛇字、作誤了、下誤了玉堂金馬三學士、作送了、今從朱本、渾水燕談、歐文忠公與趙少師槩、呂學士公著同宴、作口號有

玉堂金馬三學士、清風明月兩閒人之句、

煞尾

如沈約之病多般、與宋玉之愁無二、相思樣子、語俊甚、極言其瘦之甚也、董詞沈約一般、潘安無二、怎敢因而作句、因而方言輕慢之意、謝天香劇初相見呼你爲學士、謹厚不因而、及後寄書折、勿得因而、可證有美玉於斯、以此珍重其書之意、却借用下文韞匱而藏語也、因賓白張生有姐姐在意之囑、故言你二人向目睂眼傳情未了之時、我已中心藏之而不敢忘矣、你之書與重價之美玉一般、我怎敢輕慢而沉

匿了你、我須教此去、定有發落、歸着這一張紙也、記中紅娘諸曲、大都掉弄文詞、而文理每不甚妥貼、正以模寫婢子情態、用意如此、非妙手不能、那人兒勿斷斷則兩兒字矣、元七字句、

二套

今本第十折

省簡

旦上云、伏侍老夫人不得空便、紅娘這早晚敢待來也、起得早了些兒、困思上來、我再睡些咱、紅上云、奉小姐言語去看張生、却伏侍了老夫人、同小姐話去、不聽得小姐聲音、敢又睡哩、我入去看他也、唱

中呂粉蝶兒、風靜簾開、遶紗窻、麝蘭香散、啓朱扉、搖響雙環、絳臺高、金荷小、銀釭猶燦、將這暖帳輕彈、揭

起梅紅羅軟簾偷看

釭音姜與
釭不同

醉春風則見釵頭玉斜橫髻偏雲亂挽印高猶自不

凝眸你好懶懶半晌擡身幾回搔耳一聲長嘆

釭音
凝

眸一作

明眸

(紅云)我待便將這簡帖兒與他俺小姐有多少假
意哩我將這東帖兒放在粧盒兒上看他見了說
甚麼(旦做對鏡
見東看科)紅唱

普天樂晚粧殘烏雲散輕勻了粉面亂挽起雲鬟將

簡帖兒拈把粧盒兒按拆開封皮孜孜看顛來倒去

不害心煩則見厭的挖皺了黛眉忽的低垂了粉頸

盪的改變了朱顏

散上聲
挖音蓋

旦云小賤人、這東西那里將來的、我是相國的小
姐、誰敢將這簡帖兒來戲弄我、我幾曾慣看這等
東西、告過夫人、打下你箇小賤人下截來、紅云小
姐你使我去來、他着我將來、我又不識字、知他寫
着甚麼
哩也唱

快活三分、明是你過犯、沒來由把我摧殘、使別人顛
倒、惡心煩、你不慣誰曾慣、惡去聲

紅云姐、姐、你休鬧、比及姐、姐、對老夫人說呵、我先將
這柬帖兒去、老夫人行出首去來、旦揪住紅科、旦
云我假逗你要來、紅云放手、看打下截來、旦云
張生近日病勢如何、紅云我則不說、旦云好姐姐、
你試說與我
聽咱紅唱

朝天子、近間、面顏、瘦得來、實難看、不思量、茶飯、怕見
動彈、曉夜、將佳期、盼、廢寢忘食、黃昏清旦、望東牆、淹

淚眼病患要安、由幾點風流汗、

四邊靜、怕人家調犯、若早晚夫人見些破綻、你我何

安、問甚他遭危難、啗則攔斷得上竿、撥了梯兒看、難去

聲後同摘、粗酸反、

旦云紅娘不看你面呵、我將與老夫人看、看他有甚麼面顏、雖然我一家虧他、只是兄妹之情、焉有外事、紅娘早是你口穩哩、若別人知呵、甚麼模樣、將描筆兒過來、我寫將去、回他、着他下次休是這般、做寫科起身科、紅娘你將去、說小姐看望先生、相待兄妹之禮如此、非有他意、再一遭兒是這般、呵必告俺老夫人知道、和你小賤人都有話說也、下紅唱

脫布衫、小孩兒家口沒遮闌、一迷的教言語傷殘、把

似你使性子、休思量秀才、做多少好人家風範、迷去聲

小梁州我爲你夢裏成雙覺後單廢寢忘食羅衣不

耐五更寒愁無限寂寞淚闌干

覺音較

〔幺〕似等辰勾常把佳期盼我將角門兒世不曾牢關

願得做夫妻無危難您向簷席頭上整扮我做箇縫

了口撮谷山

合音

〔紅云〕我若不去來道我拗他那生又等我回話則

索走一遭〔下生上云〕詩儂紅娘將去未見回話我

這一封書去必定成事這早晚敢待來也〔紅上云〕

須索回張生話去小姐你性兒忒慣得喬了有前

日的心那里面有今日的心來也呵〔喬舊作嬌〕唱

石榴花晚粧樓上杏花殘猶自怯衣單那一遍聽琴

時清露月明間昨日箇向晚不怕春寒幾乎險被先

生撰那其間豈不胡顏爲個不酸不醋風魔漢隔牆

兒險化做望夫山

且借叶作平

鬪鵲鴉你待用心兒撥雨撩雲我是好意見傳書送

簡不肯搜自己狂爲則待要寬別人破綻受艾焙權

時忍這番暢好乾對着人巧語花言背地裏愁眉淚

眼

焙音貝乾音干一作姦

紅見生科生起云小娘子來了大事如何紅云不

濟事了先生休傻生云小生簡帖兒是會親的符

錄則是小娘子不用心故意如此紅云我

不用心有天理那簡帖兒裏面好聽唱

上小樓也是先生命限非是紅娘違慢那的做了你

的招伏他的勾頭我的公案若不是覷面顏厮顧盼

擔饒輕慢爭些兒把你娘拖犯

〔幺〕今以後相會少見面難月暗西廂鳳去秦樓雲斂

巫山你也越我也越先生休訕早尋箇酒闌人散

樓一

作臺越音
蓋平聲

〔紅云〕只此再不必伸訴足下肺腑怕老夫人尋我
回去〔生云〕小娘子此一遭去更着誰與小生分割
必索做一箇道理方可救得小生一命〔生跪下扯
住紅科〕〔紅云〕張先生是讀書人豈不知此意事可
知矣

唱

滿庭芳你休呆裏撒姦您待恩情美滿教我骨肉摧
殘他手拈着檀棍摩挲看龜麻線怎透針關直待教
我拄着拐幫閒鑽懶縫合唇送暖偷寒待去呵消息

兒踏着犯待不去教甜話兒熬趙妍教我左右做人

難拈音鬧又音糯一作擲合借叶去聲

紅云我沒來由分說小姐回與你的書你自去看
生接書了開讀科呀有這場喜事撮土焚香三
拜禮畢云早知小姐簡至只合遠接接待不及恕
勿見罪小姐子和你也歡喜紅云怎麼說生云小
姐罵你都是假道書中之意着我今夜花園裏來
和他哩也波哩也囉哩紅云你試讀我聽咱生云
是四句詩詩曰待月西廂下迎風戶半開拂牆花
影動疑是玉人來紅云你解與我聽咱生云待月
西廂下着我待月上而來迎風戶半開是開門待
我拂牆花影動着我跳過牆來疑是玉人來說我
已至矣紅笑云他着你跳過牆來你做下來了端
的有此說麼生云我是個猜詩謎的杜家風流隨
何浪子陸賈我那里有差的勾當紅云
你看我姐姐在我行也使乖道兒唱

耍孩兒幾曾見寄書的顛倒瞞着魚鴈小自小心腸

見轉關西廂待月等得更闌、教你跳東牆、女字邊干
元來詩謎也似包籠着三更棗、誰想簡帖兒裏埋伏
着九里山、你着緊將人慢、你只待會雲雨、鬧中取靜
則教我寄音書、忙裏偷閒、謎字从聲、籠字平聲、俱不叶、

四煞紙光明玉版、字香噴麝蘭、行兒邊湮透、非是春
汗、正是一絨情淚紅猶濕、滿紙春愁墨未乾、從今後
休疑難、放心你箇玉堂學士、穩情取箇金雀鴉鬟、

三煞他人行別樣的親、俺跟前取次看、更做道孟光
接了梁鴻案、別人行甜言媚你三冬暖、俺跟前惡語
傷人六月寒、爲頭看、看你箇離魂倩女、擲果潘安、前看

字平聲倩

音千去聲

〔生云〕小生讀書怎跳得您那花園過也〔紅唱〕

二煞隔花階又低迎風戶半拴偷香手段今番按你

若怕牆高怎把龍門跳嫌花密難將仙桂攀放心去

休辭憚〔你若不〕他望穿盈盈秋水他感損淡淡春山

花階一作牆

花拴戶關反

〔生云〕小生曾到那花園凡經兩遭不見好處這一遭知他又如何〔紅云〕如今不比那往常唱

尾你雖是去了兩遭我敢道不如這番你那隔牆兒

酬和都胡侃證果你只是今番這一簡

〔下生〕嘆萬事自有分定誰想小姐有此一場好處小生是猜詩謎的杜家風流隨何浪子陸賈到那

里花扎幫便倒地、今日顏天、百般難得晚、(生念)讀書繼晷怕黃昏、不覺西沉又掩門、欲赴海棠花下約、太陽何苦強生根、呀、纔餉午也、再等一等、又看咱、今日百般的難得下去也、(呵)(念)碧天萬里無雲、空勞港客身心、恨殺太陽貪戰、不教紅日西沉、呀、早倒西也、再等一等、咱(念)無端三足鳥、團團光燦、安得后羿弓、射此一輪落、謝天地、却早目下去也、早發摘也、呀、却早撞鐘也、拽上書房門、到得那里、手挽着垂楊、滴溜撲刺跳過牆、抱住小姐、丟番在綠茸茸草上、小姐、我是替你愁哩、(下)

注二十條

粉蝶兒

首三曲、穠豔婉麗、委曲如畫、周昉仕女圖、故不過此、元喬夢符論作詞之法、曰、鳳頭、豬肚、豹尾、謂起要美麗、中要浩蕩、結要響亮、西廂正得此體、每曲皆然、翰

墨全書載元時上表牋者以梅紅羅單紱封裹蓋當時所尚徐云香遶窻紗以無風而簾不動也

醉春風

朱本玉斜橫諸本俱作玉橫斜但對下雲亂挽則當從玉斜橫爲的諸本日高猶自不明眸語頗費力朱本作凝眸謂注視也言日高而目尚矇矓未開也詞隱生引洛神賦明眸善睐謂語非無出今並存之然似終有誤字

普天樂

朱本烏雲散諸本作顰顰音朶見上文然關漢卿

衣夢劇則今番臨繡牀有些兒不耐煩則我這睡起
來雲髻兒覺偏髻插不定秋色玉連環則髻或又可
作彈音耶第此曲止宜作散字耳晨而曰晚粧宿粧
未經梳洗也前雲亂挽此烏雲散及亂挽起雲鬟稍
重董詞把東帖兒拈擡目視是一幅花箋寫着三五
行字兒是一首斷腸詩低頭了一晌讀了又尋思

快活三

言招惹張生寄簡分明是你過犯却緣何罵我把我
摧殘你使我去而顛倒作惱此何理也你固不慣誰
人又曾慣耶言你○不○曾○看○慣○我○亦○不○曾○寄○慣○也○因○上○

看得委
曲

白我幾曾慣看這東西而言俗解你不慣却誰慣耶
直○指○鶯○說○謬○甚○鶯○何○嘗○真○慣○耶○惡○心○煩○之○惡○去○聲○切
繪旦劇你却便引得人來心惡煩可証俗作如字音
非

朝天子

第四句元七字此作四字二句係變法病患要安與
上近間而顏各二字爲句黃昏清旦與曉夜字似重
四邊靜

此反詞以激鶯也人家指張生猶他家伊家之類今
北人鄉語猶然言我今日非爲張生怕他日逐在此

萬斯上
三作樹
當說未
爲不可
與詞甚
句便不
知家法
如見者
巧俊
詩人

調戲萬一老夫人見出些破綻、則你與我將如之何、
是大家不好看也、故今日我汲汲於你二人之成就、
者、亦爲你我自身計也、若張生病勢危難、我那里管
他、正要哄他上竿、掇了梯兒、閒看之耳、徐云、言掇梯
賺人、此等本事、本來能做、只爲你計較利害、故如此
委曲爲他傳遞、你如何反怪我耶、掀斷卽斷送之意、
石子章竹窻雨劇、掀掇了人生有限身、陳大聲詞、雨
雨風風、掀斷的病兒重、

脫布衫

此鶯鶯已去、背後罵之之詞、小孩兒正指鶯也、俗本

改作鶯唱非是一迷去聲鄉語今吳越間亦有之卽前一納頭之意

小梁州

此二曲一直下我爲你三字直管到佳期盼句我紅娘自謂你鶯鶯也言爲你如此想他故不憚勤勞替你傳消問息而如今倒做嘴臉音罵我耶俗本作他爲你則他字謂張生矣于上下文全無謂謬甚羅衣不耐五更寒謂起得早也闌干縱橫貌自樂天長恨歌玉容寂寞淚闌干廢寢忘食與前朝天子重寂寞淚闌干亦與望東牆淹淚眼重

詳傳之
甚俗解
可唾

么

辰勾、水星、其出雖有常度、然見之甚難、西漢天文志
及淮南子謂一時不出、其時不和、四時不出、天下大
饑、張衡云、辰星、一名勾星、博雅云、辰星、謂之鉤星、故
亦謂之辰勾、李尋曰、四時失序、則辰星作異、政絕不
行、則伏不見而爲彗孛、晉灼謂常以四仲之月分見
奎婁東井角亢牽牛之度、然亦有終歲不一見者、盼
佳期如等辰勾之出、見無夜不候望也、青衫淚劇、恰
便似盼辰勾、逢大赦、俗本添一月字、俗注又引吳昌
齡辰勾月劇爲証、可笑之甚、撮合山世以北稱媒人、

元劇用之最多、如喬夢符揚州夢劇、將你這箇撮合山、慢慢酬答、王煥百花亭劇、索那撮合山花博士、陳搏高臥劇、撮合山錯了眼光、鴛鴦被劇、當初是那撮合的姑姑、送了這望夫石的玉英、棚梅香劇、那時將撮合山、恁時節賞、等可証、古注謂是荷包上壓口、杜撰無據、言我爲你如此盼望佳期、着我夤夜奔走、不留牢關角門、今反如此摧殘於我耶、又猜你既如此思想張生、而又佯怪我之傳書送簡、意或怕我之漏洩言語而然耳、你何用如此疑我、我只願你安穩做了夫妻、向筵席頭上打扮去做新人、我做箇縫了口

的媒人決不漏洩此事也。

石榴花

不怕春寒、正應猶自怯衣單。句。撰戲弄之意。俗本改作賺、便落閑口韻。非胡顏羞也。此皆極形容以嘲鶯之意。猶自怯衣單、及不怕春寒二語與前小梁州羅衣不耐五更寒、又重向晚上古本無昨日箇三字。然調法當五字作句。晚字空韻。若向晚與不怕春寒二句下、本調便少一句。今從諸本存之。但日字須作平聲唱。乃叶耳。晚字與上晚粧樓亦重。望夫山寰宇記謂夫行役妻每登高而望。故名。路史謂是望敷之訛。

以望敷淺原也。

鬪鵲鵲

此承上曲意來。艾焙，灼艾之火也。受艾焙權時忍這番，猶俗言忍灸，只忍這遭。言此後再不爲之傳送也。古本暢好乾，今本作姦。徐云：暢好乾，乾之甚也。巧語花言，卽上覓人破綻之意。謂我着甚要緊，管你這事。你今日對我有許多巧語花言，傷犯着人，到背地裏却又愁眉淚眼，不能自持也。詞隱生云：乾似不如姦字明白。言鶯之姦詐爲甚也。然接上受艾焙句語氣，則乾字就紅娘言，又似較勝耳。今並存。

上小樓

那的、謂簡帖也、招伏、謂供招、張仲章勘頭巾劇、白掌
刑名者有十箇字、是原法、事頭、正犯、招伏、結案、鄭廷
玉後庭花劇、若是有証見、便招伏、勾頭、卽勾牒、馬東
籬岳陽樓劇、將勾頭來弔你、百花亭劇、追人命的勾
頭、魯齋郎劇、那一箇官司敢把勾頭押、古本作勾當、
語既與招伏、公案不倫、而此句下二字、法當用平聲、
若勾當則去聲矣、今不從下言、鶯鶯若不看我的面
顏、有顧盼我的意思、而擔饒你書辭之輕慢、他險些
打及我、而把你娘拖犯矣、你娘紅娘自稱以謔張生

也。擔饒情。怨之意。董詞。官人每更做擔饒。

么

此直以危詞絕生。亦戲生而故窮之也。北人方語。謂走爲趙。兒墨娥小錄。劉時中小令。馮魁破產。雙生緊趕。小姐先趙。訕。謗也。言今日事已無成。只大家走散。不必再怨。訕。留戀之也。秦樓。筠本作秦臺。徐云。不如樓字。

滿庭芳

撒姦。使乖之意。呆裏撒姦。亦方言。謂事勢如此。用不得乖也。他字。指鶯鶯搭。按也。怎透針關。古本作縱過。

俗本誤
八多矣

似費力、紅娘言你如今休再癡想、你要恩情美滿、却
做我着、教我骨肉摧殘、小姐手按着檀棍、只要打人、
譬龕麻線怎透得針關耶、幫開鎖懶、須手脚利便送、
暖倫寒、須口舌無禁忌、又言你如今直待要我打得
傷了、拄着拐、去幫襯、禁得不說話、縫了脣、去傳遞耶、
下又形容其心軟、不能拒絕之意、犯諸本作泛、非言
去、則傳遞消息、踏着罪犯、不去、又難爲張生熱意催
趙是、左右做人難也、他字俗本改作老夫人、謬渠不
通、上下文理耳、董詞打折你大腿縫合你口、

〔白〕哩也波、哩也囉、北人方言、猶言如此如此也、

耍孩兒

小則小，謂鶯年紀雖小，却揣摩不定，如轉關然。女字邊干，拆白，奸字。三更，東六祖事。九里山，項羽事。鬧中取靜，言使他人奔走而自處安逸也。

四煞

玉版，雙名宋陳後山詩：南朝官紙女兒膚。玉版，雲英比不如。金雀，鴉鬟指鶯鶯也。李公垂鶯鶯歌：金雀鴉鬟年十七，俗本以爲是紅娘，遂改作丫鬟，謬甚。

三煞

他人別人，俱指張生更做道孟光接了梁鴻案，言其

笑成之
語天然
之對

既以夫婦之情待之矣。甜言媚你。諸本俱作甜言美語。一本作甜言免汝美語。與下傷人不對。又與惡語犯重。免汝對整而太文。蓋皆聲相近之誤。古本爲頭看。今本作回頭爲頭看。猶言從頭看也。謂鶯約你偷期。而又以惡言傷我。我且從頭看你。這離冤倩女。與擲果潘安兩箇。到其間如何做事。如何瞞我也。離冤擲果。俱不作用力看。只借言倩女潘安而帶言之耳。如此解。庶與上下文勢相貫。古注謂起初就看見你倩女。欲投果潘安言鶯先去調戲張生。語氣既懈。徐說紅恨鶯瞞已。又辱已。而擬欲管束之。謂我且看這

倩女如何離冤、如何擲果、猶言決瞞我不得也、此又與上下意不屬、詞隱生云、爲字難解、不如回頭明白、今並存、

二煞

朱本及諸本作隔牆花又低、筠本作隔花階又低、並存、嫌花密、古本作嫌花闌、似不如密字勝、盈盈秋水、淡淡春山、用秦少游詞句、兩他字、用在句上、更俊、俗本作望穿他、感損了、便俗、徐云、後二煞、紅雖攢掇、張去亦稍露功、不由已、意在冷言冷語中、據下折張事、敗而紅多、訕辭可見、

煞尾

胡侃無准實之意，證果見佛書，釋氏得道，謂之證果。
元詞證果了風流少年子。

三套

今本第十一折

踰垣

紅上云：今日小姐着我寄書與張生，當面偌多假
意兒。元來詩內暗約着他來，小姐也不對我說，我
不瞧破他，則請他燒香。今夜晚粧處，比每日覺別
我看他到其間，怎的瞞我。紅喚旦科云：姐姐，俺燒
香去來。旦上念：花陰重疊，香風細，庭院深，沉淡
月明。紅云：今夜月朗風清，好一派佳景也。呵。唱：

雙調新水令
晚風寒峭透窻紗，控金鈎繡簾不掛門。
闌凝暮靄樓閣斂殘霞，恰對菱花樓上晚粧罷。

駐馬聽
不近喧譁，嫩綠池塘藏睡鴨。自然幽雅，淡黃

楊柳帶棲鴉、我則怕金蓮蹴損牡丹芽。玉簪抓住茶
縻架、夜涼苔徑滑、露珠兒潤濕凌波襪。呼佳反、襪、忘

罵反

紅云我看那生和俺小姐巴不到晚哩唱

喬牌兒自從日初想月華、捱一刻似一夏、見柳梢斜

日遲遲下、早道好教賢聖打

打當雅反

攪箏琶、打扮的身子詐、準備雲雨會巫峽、思量着燕

子鴛兒、爭扯殺心猿意馬、水米不粘牙、想姐姐閉月

羞花、真假、這其間性兒難按納、一地裏胡拏

峽叶霞納叶囊

亞反

[紅云]姐姐、這湖山石下立地、我閉了寺裏角門兒、看一看、怕有人聽俺每說話、[生上云]這其間正好去也、

[紅唱]

沉醉東風、我則道槐影風搖暮鴉、元來是玉人貌、

烏紗、一箇潛身在曲檻邊、一箇背面在湖山下、那里

敘寒溫、並不曾打話、

[生攖住紅科][紅云]禽獸是我、你看的仔細、若是老夫人怎了、[生

云]小生害的眼花、攖的慌了些兒、却不知是講、望乞恕罪、[紅唱]

便做道你攖慌索覷

咱、多管是餓的你窮酸眼花、

[生云]小姐在那里、[紅云]在湖山下、我問你咱、真箇着、你來哩、[生云]小生是猜詩謎的、杜家風流隨何浪子、陸賈、準定挖扎幫、便倒地、[紅云]你休從門裏去、他則道我使你來、你跳過這牆去、張生、你見麼、今夜這一弄兒、助你兩箇成親也、[唱]

喬牌兒 你看淡雲籠月華似紅紙護銀蠟柳絲花朵

垂簾下綠莎茵鋪繡榻

蠟郎架反、莎音校榻叶湯打反

甜水令 良夜迢迢閒庭寂靜花枝低亞他是箇女孩

兒家你索教意見溫存話兒摩弄性兒謙洽休猜做

敗柳殘花

洽叶霞

折桂令 他是箇嬌滴滴美玉無瑕你看粉臉生春雲

鬢堆鴉俺這般受怕擔驚不曾圖甚浪酒閒茶你那

夾被兒時當奮發指頭兒告了消乏打疊起嗟呀畢

罷了牽掛收拾了憂愁準備着撐達

發方雅反、乏扶加反、疊一作迭

達當

家反

〔生跳牆科〕 〔旦云〕是誰 〔生云〕是小生 〔旦怒云〕張生你
是何等之人、我在這里燒香、你無故到此處、老丈
人聞知、有何理說 〔生云〕呀、變了卦也 〔紅唱〕

錦上花爲甚媒人、心無驚怕、赤緊的夫妻、意不爭差、

躡足潛踪、悄地聽咱、一箇羞慙、一箇怒發、張生無一

言、鶯鶯變了卦、一箇悄悄冥冥、一箇絮絮答答、迸定

隨何、噤住陸賈、叉手躬身、粧聾做啞、

〔答叶平聲〕

〔紅云〕張生、背地裏嘴、那里去了、向前
樓住、丟番、告到官司、怕羞了你 〔唱〕

清江引、無人處、則會閒嗑牙、就裏空姦詐、怎想湖山

邊、不記垂楊下、香美娘處、分俺那花木瓜、

〔嗑音課〕

〔旦云〕紅娘有賊 〔紅云〕是誰 〔生云〕是小生 〔紅云〕張生
你來、這里有甚勾當 〔旦云〕拖去、老夫人那里去 〔紅云〕

云到老夫人那里恐壞他行止我與你處分他一
場張生你過來跪者你既讀孔聖之書必達周公
之禮黃夜來
此何幹唱

鴈兒落不是俺一家兒喬坐衙說幾句中長話我只

道你文學海樣深誰想你色膽天來大
中長今作東
腸大唐乍反

與前折音
韻不同

紅云張生你知罪麼生
云小生不知甚罪紅唱

德勝令做得箇黃夜入人家非盜做姦拏你是箇折

桂客做了偷花漢不想跳龍門學騙馬謝小奴賢達

看我面逐情罷若官司詳察先生精皮膚一頓打
察叶

上
條

紅云姐姐怎生看紅娘面饒過這生者旦云若不
看紅娘面送你老夫人那里去看你有何面目見
人你雖活我一家之命恩則當報既爲兄妹何生
此心萬一老夫人知之先生何以自安今後再勿
如此若更爲之與足下決無甘休下生朝鬼門道
云你着我來却怎麼有偌多話說紅板過生云羞
也毛羞也毛却不風流隨何浪子陸賈得罪波
杜家今日便早死心塌地也毛火角反紅唱

離亭宴帶歇拍煞再休題春宵一刻千金價準備着

寒窗更受十年寡猜詩謎杜家忒拍了迎風戶半開
山障了拂墻花影動綠慘了待月西廂下一在你將
何郎膩粉搽他待自把張敞眉兒畫強風情措大晴
乾了耽雲帶雨心悔過了竊玉偷香膽剛抹了倚翠
偎紅話淫詞見早則休簡帖見從今罷猶古自參不

透風流調發、你早則息怒、嘆波草文君、你早則遊學

去波漢司馬、

奔音神、俗音欺、非、學借叶去聲

（生云）你小如送了人也、此念小生再不敢舉、奈病體日篤、將如之何、夜來得簡方喜、今日強扶至此、又值這一場怨氣、眼見的休也、則索回書房中納悶去、（生念）桂子閣中落槐花病裏看、（下）

注一十五條

（白）今本花香重疊和風細、庭院深沈、淡月明、古本作庭院無人、語佳、然上句花香重疊、則庭院深沈、似對較整耳、

新水令

卽入丹青、亦成妙手、樓閣斂殘霞、古作樓角上、曰門

闌則對須從樓閣耳兩晚字兩樓字重

駐馬聽

淡黃楊柳帶棲鴉、賀方回詞對句景、謝俱稱、我則怕
三字管至末

喬牌兒

北人稱菩薩神祇、不曰聖賢、則曰賢聖、前遊寺折拜
了聖賢、可證此因日之不下、而欲令賢聖打之也、並
詞、一刻兒沒巴臂抵一夏、不當道你箇目光菩薩沒
轉移好教賢聖打

攪筆琶

詐字無
幾便不
可解

此詞
本曲指
解得妙
絕

身子詐古本作乍、打扮的詐、猶言打扮得喬也、董詞
不苦詐、打扮不甚豔、梳掠可證、乍字無據、今不從、水
米不粘牙句、屬上文看、自前詞自從月初想月華至
此、謝水米不粘牙九句、皆並指鶯生二人言、觀上紅
自、我看那生和俺小姐、已不得到晚、及爭扯殺三字
可見、水米不粘牙、承上句來、言大家都爲心猿意馬
所牽繫、而飲食俱廢也、下又言我想小姐、平日閉月
羞花、深自珍重、由今日觀之、果真耶、假耶、不意今日
其風流之性、一旦難自按納、而遂一地裏胡爲亂做
至此也、閉月羞花、借言其深藏密護、不易令人見之、

意。不。得。泥。平。常。稱。人。之。美。說。此。曲。頗。難。解。若。以。水。米。
不。粘。牙。屬。下。文。遂。以。張。生。想。鶯。鶯。言。便。大。贖。贖。矣。元。
張。小。山。詞。燕。子。鶯。兒。蜂。蝶。蝶。使。蓋。亦。見。成。語。金。本。謂。
真。假。是。直。家。可。噦。朱。本。作。直。加。亦。大。無。謂。

沉醉東風

徐云、風搖幕鴉、慙巧甚、那里之那、作上聲讀、言其不
曾敘寒溫也、與下並不曾打話相對、董詞、女孩兒謊
得一團兒聲顫、低聲道、解元聽分辨、你更做撲荒敢
不開眼、亦佳、

喬牌兒

淡雲籠月、似紅紙護燭、柳絲花朵、似簾幙下垂、綠莎
如茵、似鋪繡榻、正應賓白、今日這一弄兒、助你兩箇
成親意、下字作活字用、

甜水令

曲中誤
字類此
甚多類
其眼法
出其秋
良夜迢迢、三句相對、迢迢元作迢迢、不應一句獨用。
豐字、今直更定、言夜長人靜、工夫有餘、正須緩性溫
存、莫作敗柳殘花、遣次摧挫之也、

折桂令

首三句、屬上曲看、正見不可摧殘之意、夾彼見時當
奮發、指頭兒告了消乏、即後折手勢、指頭兒恁之意、

襲詞也。董詞十箇指頭兒，自來不孤你，孤眠了一世，
不開了一日，今夜裏彈琴，不同恁地，還彈到斷腸聲，
得姐姐學連理指頭兒，我也有福囉，你也須得替，卽
此意言我爲你成就此事，不圖你謝，只憐你夾被奮
發之時，指頭已告消乏，故不辭受怕擔驚，替你說合，
你從今儘可打疊起舊時之嗟呀云云，以省你指頭
之勞苦，但須準備撐達以快其事也，打迭或作打疊，
義同，撐達解事之謂，揚州夢劇禮數撐達，紅梨花劇，
這秀才暢撐達，將我問根芽，琵琶記不撐達害羞的，
喬相識，古注謂夾被獨宿清寒，今有伴侶，乃是奮發，

正通不
必過爲
求文

移清本齋集 卷三 三六 香雪居
指頭預辦偷春、剪落指甲、乃是消乏、過爲求文、非作
者本色、謬甚、又解撐達爲支撐了達、亦無據、

錦上花

言今夜踰牆、我何爲放膽、只道鶯鶯真許張生、做夫
妻而意不爭差耳、却緣來如此變卦也、悄悄冥冥、正
張生之無言、絮絮答答、正鶯鶯之變卦而饒舌也、隨
何陸賈亦不過取其舌辯能哄動人、二人未嘗有風
流浪子事實、史記隨何、只紀其說英布事、陸生自說
尉佗之外、又言其安車駟馬、從歌舞琴瑟侍者數十
人爲娛、其所著南中行紀、謂雲南中百花、惟素馨香

特酷烈彼中女子以綵絲穿花心繞髻爲飾楊用修詩有曾把風流惱陸郎之句他無所見也

白張生背地裏嘴那里去了數句紅娘見張生無用故教唆他言何不向前樓住丟番便告到官司亦羞他而不羞你也若作替鶯鶯數落張生口氣便失作者之意

清江引

此卽前賓白意且以嘲笑張生也言其只會背後誇口當場沒用却何故湖山相遇之時忘却垂楊下準備之語而令香美娘得處分你這箇花木瓜也香美

娘指鶯鶯蓋亦見成方語處分發落之謂徐云此隱語也舊解花木瓜言其好看不中喫本草木瓜味酸以酸丁嘲張生方輿勝覽云宣州人種木瓜始成則鍍紙花以貼其上夜露日曝而變紅花紋如生可愛故曰花木瓜又見爾雅翼兩世姻緣劇有那等花木瓜長安少年誤入桃源劇空結實花木瓜皆用此語又舉案齊眉劇則你那花木瓜兒外看好則舊解似亦可據

鴈兒落

凡官員坐堂鞫事謂之坐衙喬坐衙假意尊大之謂

馬致遠青衫淚劇俺那愛錢娘一日坐八番衙古本
中長話今本作衷腸中長話猶言有道理好說話也
言非是我每妄自尊大待說幾句中長好話以教訓
你你讀書人緣何不用心文學而如此大膽好色也
古注以中長話無出欲從今本作衷腸詞隱生亦云
中長二字似太生澁然安知非當時常用方語也今
並存海樣深古作海量寬似上語勝

德勝令

做得箇猶言入得你這箇罪也諸本舊作非姦做賊
余於本調不叶今更定周挺齋極譏陽春白雪集德

俗注寄
根以此

勝冷沉烟裊繡簾、須唱作沉宴裊羞簾、正此句也、詞
隱生云、中原音韻賦字叶平聲、易作盜字佳、今從躍
而上馬、謂之騙馬、今北人猶有此語、雍熙樂府咏西
廂小桃紅詞、騙上如龍馬、馬東籬任風子劇、我騙土
牆騰的跳過來、可証、以騙馬對跳龍門、正猶上句以
偷花漢對折桂客、上有漢字、其旨甚明、下止言騙馬、
不過借字義以形容、謂大才而小用之耳、俗注謂哄
婦人爲騙馬、不知何據、紅求饒之白、置此曲後、先謝
小姐而却爲求饒、正是紅娘狡獪、下又云、若官司詳
察云云、又代鶯鶯發落、皆是妙處、俗本移在謝姐姐

向來誤
作杜家
非此誤
終贗贗
矣

曲中用
膩粉亦
方言也

前正不達詞人深意耳、今從古本更正、

離亭宴帶歇拍煞

猜詩謎的杜家、輟耕錄雜劇名目、有杜。大。伯。猜。詩。謎。
卽古本亦譌作杜家、今改正、忒拍、是拍參差不中節
之謂、山障隔絕之謂、綠慘陰暗之謂、張生前說是猜
詩謎的杜家、紅娘笑他一件件都猜不着、說迎風戶
半開是開門等你、今忒拍了也、說拂牆花影動、是着
你跳過牆來、今山障了也、說待月西廂下、是鶯鶯等
你、今綠慘了也、膩粉、或作傅粉、則傅字與搽字相犯、
或作粉面、又與下眉兒不對、元人呼粉曰膩粉、輟耕

錄製漆方用黃丹膩粉無名異可見又白樂天詩素
豔風吹膩粉開又元舉案齊眉劇重整頓布襖荆釵
打迭起胭脂膩粉百花亭劇花費了些精銀響鈔收
買了膩粉胭脂後庭花劇白膩粉輕施點翠顰皆用
此語其爲膩粉無疑二句言一任你如何郎之傅粉
強自粧飾以哄動他他却不要你這張敝
來替他畫眉也措大調侃秀才宋藝祖謂桑維翰措
大賜與十萬貫則塞破屋子矣強風情勉強風情也
晴乾猶言曬乾董詞情詩兒自後休吟簡帖兒從今
莫寫猶古北語古與兀同猶今俗言還固也董詞尚

直透
頂之針

古子不曾梳裹亦此意調發戲弄哄誘之意石子章
竹塢聽琴劇出家人休調發我喬夢符詞休把這紙
鷓鴣兒麻調發鄭德輝王粲登樓劇白是丞相數次將
書調發小生來到京師徐云末二句一句勸其休怪
鶯鶯一句勉其再去讀書言其於風流家數尚參不
透何可怪得鶯鶯你還用再去遊學讀書以長見識
也古注謂上句勸解鶯鶯下句勸解張生便索然非
本旨矣

四套

今本第十二折

訂約

〔老夫人上云〕早間長老使人來說張生病重我着
長老使人請箇太醫去看了。一壁道與紅娘看哥

哥行問湯藥去者問他太醫下甚麼藥證候脈息如何便來回我話者下紅上云老夫人說張生病沉昨夜喫那一場氣越重了小姐呵送了他命也下旦上云我寫一簡則說道藥方着紅娘將去與他證候便可旦喚紅科紅上云姐姐喚紅娘怎麼旦云張生病重我有一箇好藥方兒與我將去一命將去紅云姐姐不是你一世救他這病不得老夫人使我去哩我就與你將去走一遭下生上云自從昨夜花園中喫了這一場氣投着舊證候眼見的休也老夫人說着長老喚太醫來看我我這顏證候非是太醫所治的則是那小姐美甘甘香噴噴涼滲滲嬌滴滴的一點唾津兒嚥下去這病便好了本引淨扮太醫上診脈科醫診云此證兩手六脈沉細山夫七情感傷抑鬱之疾先生放心只一帖藥便好科犯了本云下了藥也我自去回老夫人話去本淨下紅上云俺姐姐哄得人如此又着我去動問他送藥方兒去越着他病沉了也我索走一遭去異鄉易得離愁病妙藥難醫腸斷人斥音聲上聲唱

越調鬪鶴鶉則爲你彩筆題詩回文織錦送的人臥
枕着床忘食廢寢折剗得髻似愁潘腰如病沈恨已
深病已沉昨夜箇熱勁兒對面搶白今日箇冷句兒
將人廝侵

紫花兒序把似你倚着櫳門見待月依着韻腳兒聯
詩剗着耳朵兒聽琴怒時節把箇書生迭審歡時節
將箇侍妾逼臨難禁可教我似線腳兒殷殷勤不離
針從今後教他一任將人些義海盟山變做了遠水
遙岑

紅見生云哥哥病體若何生云害殺小生也我若
是死呵小娘子聞王行少不得你做箇干連人紅

嘆云普天下害相思的不似你唱

天淨綵心不存學海文林夢不離柳影花陰則向竊

玉偷香上用心不曾得恁自從海棠開想到如今

紅云你因甚便病得這般了生云你行怕說的謊却因小姐上來當夜回書房一氣一箇死小生救了人反被害了古人云癡心女子負心漢今日反其事了紅唱

調笑令暗沉爲邪淫尸骨崑崑鬼病侵更做道秀才

家從來恁似這般乾相思得好教撒啜功名早則不

遂心婚姻上更反吟伏吟係他禁反撒

紅云老夫人着來看哥哥用甚麼湯藥小姐再三申敬有一藥方送來與先生生做慌科藥方在那裏紅云用着幾般兒生藥各有製度說與你聽唱

小桃紅桂花搖影夜深沉將酸醋當歸浸生云桂花性溫當歸

和血緊靠着湖山背陰裏廝這方最難尋一服兩服

令人恁生云忘甚麼物紅唱忘的是如母未寢紅娘撒沁生云吃了

怎生便見使君子一星兒參沁音侵

紅云兀的藥方小姐親筆寫的正看科大笑起云

早知小姐到來只合遠接紅云又怎麼却早兩遭

兒也生云小姐子不知道首詩意小姐待兒三臺足下其實咻伴粧啞你箇風魔翰林無處問

佳音向簡帖兒行計稟得箇紙條兒恁般綿裏針見

那玉天仙怎生軟厮禁俺小姐正合忘恩赤緊的儂

人負心咻音林去聲古注音吝非啞音見前古注音吞去聲非稟筆錦反俗音丙非禁平聲

紅云你讀詩與我聽生云你欲聞好語須誠心
敘袂而前生讀詩科休將閒事苦縈懷取次摧殘
天賦才不意當時完妾幸豈防今日作君灾仰圖
厚德難從禮謹奉新詩可當媒寄語高唐休詠賦
今宵端的雨雲來生云此詩非前
日之比小姐必來紅云他來唱

禿廝兒你身臥着一條布衾頭枕着三尺瑤琴他來

時怎生一處寢你凍得也戰欽欽不煞知音枕去聲

聖藥王果若你有心他有心昨夜鞦韆院宇夜深沉

花有陰月有陰春宵一刻抵千金何須的詩對會家

吟

生云有鋪陳實與
小生一副紅唱

東原樂俺那鴛鴦枕翡翠衾便遂殺人心如何肯負

至如不脫解和衣兒更待甚不强如手勢指頭兒恁

儻成親倒大福廕

心字勿斷

生云小生爲小姐如此容顏憔悴不知小姐近時丰韻還似舊麼紅盟

綿搭絮他眉彎遠山不翠眼橫秋水無光體若凝酥

腰如弱柳俊的是龐兒俏的是心體態溫柔性格兒

沉雖不會法灸神鍼更勝似救苦難觀世音

首四句不韻詳

見注

生云今夜成就了事呵小生雖死不敢有忘紅唱

么你口兒裏謾沉吟夢兒裏再追尋往事已沉只言

目今今夜相逢管教你恁我也不圖甚白璧黃金則

要滿頭花拖地錦

生云怕夫人拘禁不能勾出來紅云則怕小姐不肯果有意呵你放心唱

煞尾 雖然是老夫人曉夜將門禁早共晚須教你稱心來時節肯不肯怎由他見時節親不親盡在您下並

正名 老夫人命醫士 崔鶯鶯寄情詩

小紅娘問湯藥 張君瑞害相思

注一十四條

白老夫人說張生病沉北人謂重爲沉團圓夢劇
白妾的擔兒沉怎生放得下可證

團鵲鴉

彩筆題詩二句、指前日寄詩而言、熱劫兒對面搶白、指跳牆時說、冷句將人廝侵、指寄藥方說、廝侵亦做弄之意、蕭淑蘭劇、誰想你夢裏也將人冷侵、徐云、昨夜今日、須活看、言昨夜如此、今日又如此、句冷句熱、以調弄之也、蓋紅娘不知是情詩訂約、真以爲送藥方、又哄之也、

紫花兒序

朱本迭寤、筠本作迭寤迭、與顛通、顛寤、見前張解、元識人多折解、迭寤不見他詞、必字形相似之誤、把似你、直管至待妾、逼臨線腳殷勤、不離針、言終日傳書

寄簡也。從今後教他一任。言今後你只管是這樣忘恩負義也。盡怨鶯負張之詞。

天淨沙

不曾得恁。正下文所謂乾相思也。海。棠。開。勿。斷。一。直。下。六。字。句。開。係。襯。字。孫夫人詞。海棠開後。想到如今。

調笑令

啼泣不止貌。沉言病之重也。今本撒。啖。啖字義。見後鬼三臺注。古本作撥浸。注謂全無滋潤之謂。未知何據。元王元鼎詞。走將來也。斜頭撒。啖。或撒。啖。與撥浸字形相近之誤。或直是撒。啖。亦未可知。詞隱生云。當

從撒啖、今並存之、好教猶言好喚做也、言張生病之
暗沉、非正項症候、蓋爲邪淫所致、所以尸骨崑崙、成
了鬼病也、便做道秀才家從來如此邪淫、但似他乾
相思、好喚做乾之甚耳、反吟伏吟、見沈括筆談、六壬
論、又命書、年頭爲伏吟、對宮爲反吟、云、伏吟反吟、涕
淚淫淫、術家占婚姻、遇此、雖成、亦有遲留之恨、言前
日功名不遂、今日又婚姻不成、蓋憐之也、

小桃紅

桂、當歸、知母、紅娘子、使君子、人參、六藥名、借以寓意、
猶古之有藥名詩也、酸醋、又以嘲張生爲酸丁也、恁、

猶言這樣隱詞謂好也、撒沁、不似采之意、蕭淑蘭劇、
爲我自己輕浮、不能管束、正好教他撒沁、知母、借指
夫人、君子、借指張生、一星、以分兩借言、參、借言病可
滲滲、平然也、總言此方能使君子之病、有一星之痊
可也、本艸、使君子之使、本作去聲、有郭使君者、其子
病、服此藥而愈、故遂名曰使君子、此却借上聲、作役
使之使用、

白紅云、又早兩遭兒也、指前猜詩謎說、猶言你又
如此也、下云、不差了一些兒、猶言你說小姐書中
許你如何如何、果然認得真切、不差錯乎、紅蓋疑

張詐已、如下曲所云也

鬼三臺

訓字稍
不精確
傾爾誤
人賴此
洗發

咻、啖二字俱係閉口音、鄉語俗字也、筠注謂咻、貪也、誤咻、古又與婪通用、渠見作婪之咻、注作貪、遂并此咻字、亦以貪字解耳、石林燕語謂咻爲燠、卽聲相近、殊非、啖、筠注作欲吐復吞解、亦意會之說、非本義也、蓋咻、愚也、見王文璧本韻註、又王元鼎詞笑吟吟粧呆、粧咻、元人小令、粧咻、粧呆、瞞過咱、可證、啖、亦見王注、謂撒也、北語撒、啖、徐云、是哄人之意、元劉庭信詞、不限防幾場、見撒啖、可證、綿裏藏針、有心計之意、軟

解後

麻禁言不硬掙也、紅蓋不知鶯書中實有詩以約張、見張之見書大笑、及欣幸之詞、疑張爲用計餌已、欲得其實、故云、足下其實愚、乃佯糴伶俐以哄套我實話、是無處審問佳音、特從簡帖中行計稟而希圖得之也、又嘲而挫之云、你得一紙書、有許多綿裏藏針的計較、何故前番正要緊時、遇着鶯鶯、却又軟了而不能硬掙佈擺之耶、又諛你如今還痴想他如此如此、而撒唇以套我消息、不知小姐他偏會忘恩、赤緊的負心、固小人之常事也、風魔翰林、猶俗言呆先生之謂、行計稟、稟字、音筆錦反、亦屬閉口、在庚清韻、別

作丙音下忘恩之恩元不用韻

禿廝兒

從來無
人究解
至此

身臥着三句指張生凍得二句指鶯鶯古本及諸本
俱作戰戰兢兢於禿廝兒調多一字今去一戰字此
五字句當韻下二字句又韻兢兢字入庚青韻不吐馬
東籬薦福碑劇我戰欽欽撥盡寒爐元風雪漁樵記
戰欽欽凍得我語難言近周獻王曲江池劇送的我
戰欽欽忍冷擔饑兢兢蓋欽欽之誤無疑今直改正
不煞知音謂此時凍得沒甚高興也

聖藥王

此紅猶疑鶯之許。未必然也。言設若彼此有心。則昨良宵邂逅。便當成事了。又何必今日之寄詩以訂約耶。古注。謂紅追惜昨夜之可惜。亦通。第稍解耳。詩對會家吟。古語也。徐本以此曲置東原樂後。觀上下語勢。良是。但自來聖藥王曲。必與禿廝兒相次。今並存之。

東原樂

言我家衾枕自有。你倒便遂殺人心。却如何肯賃與你耶。你便不解脫。和衣得與鶯寢。亦幸矣。更待甚衾枕。不强如你平常無妻之時。長用手勢指頭作那樣。

事耶、儻得真箇成就、便大是福廕矣、又何必忒要肆
意爲也、五代史史弘肇傳、酒酣爲手勢令、倒大語詞、
寶娥冤劇、倒大來喜、曲江池劇、倒大來冷、今本有來
字、遂殺人心如何肯質、一句下、

綿搭絮

眉彎遠山不翠、四句俱係董白、言眉則能使遠山不
翠、眼則能使秋水無光也、眉彎、原對眼橫、彎字作活
字用、俗作眉黛、下無光、作無塵、弱柳、作嫩柳、俱非、卽
古本亦然、從董本改正、四句全不用韻、說見前疎簾
風細條、卽無光作無塵、亦俗子強取叶韻而易此一

洗筆
枉

字然不知入真文韻非侵尋閉口本韻也舊上文白
作小生爲小姐如此容色莫不小姐爲小生也減動
丰韻麼與此曲全不相蒙今從金本叅正麗兒及下
溫柔俱勿斷七字句

幺

言你把今夜景象子細想像往事休題今番管教成
事也古注謂梅香好帶滿頭花長裙可遮大腳故曰
則要滿頭花拖地錦諺言本等服飾也然拖地錦元
劇屢用不專以梅香言蓋紅娘只要粧飾之物爲諷
故云不要白璧黃金則要滿頭花拖地錦也

收尾

末二句、怨懣張生、須着實下手、不可如前日之再放
過也、徐云、言魚入網、本沒逃處、却在漁翁手腳利鈍
耳、

新校注古本西廂記卷三

終